

PROCEDURA ZA PRIJAVU I ODBRANU DIPLOMSKOG RADA II CIKLUSA

1. Student bira temu diplomskog rada nakon završetka trećeg semestra
za izabranu temu student, u saradnji sa mentorom, popunjava i podnosi pismenu prijavu vijeću fakulteta koja sadrži sljedeće:
 - A) biografiju kandidata;
 - B) naslov i radnu strukturu;
 - C) temu i radne hipoteze rada, odnosno prezentaciju teme, projekta ili izložbe;
 - D) obrazloženje teme diplomskog rada;
 - E) kratak prikaz sadržaja pojedinačnih poglavlja;
 - F) metodološke napomene;
 - G) spisak literature.
2. Nakon prijave teme vijeće fakulteta imenuje komisiju za ocjenu i odbranu diplomskog rada, koju čine tri člana, od kojih su najmanje dva iz naučne oblasti iz koje je tema diplomskog rada, a jedan član komisije je mentor i jednog zamjenskog člana komisije, koji će obavljati funkciju člana komisije u slučaju opravdane spriječenosti nekog od članova komisije.
3. Diplomski rad se može predati tek nakon položenih svih ispita i izvršenih svih drugih obaveza predviđenih studijskim programom.
4. Diplomski rad se može predati na ocjenu i dalji postupak najranije po isteku tri mjeseca, a najkasnije u roku od tri godine, računajući od dana odobravanja prijavljene teme diplomskog rada, ukoliko je kandidat ostvario sve ects bodove predviđene za sve predmete i izvršio sve finansijske i druge obaveze, predviđene studijskim programom i općima aktima univerziteta.
5. Student nakon završetka rada podnosi pismeni zahtjev za ocjenu i odbranu diplomskog rada studentskoj službi fakulteta nakon svih položenih ispita.
Uz zahtjev (obrazac zahtjeva se može preuzeti na web stranici fakulteta) student treba predati: prijavu za ispit, pismenu saglasnost mentora da rad ispunjava kriterije navedene u obrazloženju teme,

tri (3) primjerka rada (nekorice) i

izvještaj iz službene evidencije o ispitima i ects bodovima kandidata (dostavlja studentska služba nakon pregleda evidencije studenta).

Dokumentacija se prosljeđuje komisiji za ocjenu i odbranu diplomskog rada, nakon što se utvrdi da je student položio sve ispite .

prilikom pregleda radne verzije rada komisija može rad vratiti studentu na doradu i dopunu i odrediti kratak rok u kojem tu obavezu treba izvršiti. Student je obavezan izvršiti ispravke diplomskog rada u skladu sa primjedbama komisije.

6. Komisija za ocjenu i odbranu rada dužna je sačiniti i dostaviti izvještaj o diplomskom radu (kratki prikaz rada: postavljeni cilj, primjenjene metode, dobiveni rezultati i zaključci o realizovanim istraživanjima) sa prijedlogom ocjene i odbrane rada vijeću fakulteta, u roku od 30 dana od dana prijema diplomskog rada.

7. Vijeće fakulteta donosi odluku o izvještaju komisije i prihvatanju ili neprihvatanju diplomskog rada najkasnije u roku od 30 dana od dana podnošenja izvještaja komisije.

8. Student u studentsku službu dostavlja najmanje 5 ukoričenih radova i potpisanih od strane članova komisije i kandidata.

Student može pristupiti odbrani diplomskog rada po isteku najmanje sedam dana od dana kada je vijeće fakulteta donijelo odluku o usvajanju izvještaja komisije da je student uspješno uradio diplomski rad i određivanju termina odbrane.